



DRUGI JAVNI POZIV ZA UČEŠĆE U PROGRAMU PODRŠKE RAZVOJU BIZNISA

Uvodne informacije

Partnerske organizacije: Općina Neum, Općina Ravno, Grad Stolac, Služba za zapošljavanje HNŽ-HNK, Hotel Villa Nova d.o.o. Neum, Srednja škola Stolac, Srednja škola Neum i Asocijacija za ekonomski razvoj REDAH Mostar, pozivaju sve zainteresirane osobe koji žele pokrenuti vlastiti posao da se prijave za učešće u programu podrške razvoju malih biznisa. Program podrške realiziraju partneri u okviru projekta **Obuke za zapošljavanje u turističko-ugostiteljskom sektoru u Hercegovini**. Projekt predstavlja jednu od 26 lokalnih inicijativa u okviru intervencije „Podrška Europske unije lokalnim partnerstvima za zapošljavanje – Faza II“ koji financira Europska unija, a realizira Međunarodna organizacija rada.

Javni poziv je usmjeren prema nezaposlenim osobama s područja **Općine Neum, Općine Ravno, Grada Stoca i Hercegovine**, koje žele pokrenuti vlastiti biznis uz financijsku i savjetodavnu podršku navedenog partnerstva.

Više detalja o programu podrške možete pročitati u **Pravilniku o kriterijima za odabir korisnika** koji je objavljen na web stranici Općine Neum i na stranicama partnera.

Pravo na učešće u programu podrške razvoja poslovnih ideja i biznisa, imaju punoljetne osobe koje žele registrirati posao na području Općine Neum, Općine Ravno, Grada Stoca. Prednost za sudjelovanje u procesu pružanja podrške razvoju poslovne ideje i biznisa, imat će:

- Nezaposlene mlade osobe starosne dobi između 18 i 35 godina,
- Nezaposlene žene, bez obzira na dob i dužinu trajanja nezaposlenosti,
- Dugotrajno nezaposlene osobe koje su registrirane u evidenciji službi za zapošljavanje duže od 12 mjeseci,
- Kategorije s niskim učešćem na tržištu rada (pripadnici manjina, osobe s invaliditetom te nezaposlene osobe preko 50 godina starosti),
- Pojedinci s otežanim mogućnostima za zapošljavanje, uključujući one koji su usljed posljedica pandemije Covid-19 ostali bez posla.

Kandidati trebaju imati:

- Visok nivo motivacije za pokretanje samostalnog biznisa
- Određena vlastita sredstava za poslovanje
- Obrazovanje za iste ili slične poslove
- Sposobnost analitičkog razmišljanja za definiranje jasne poslovne ideje.

Koncept programa podrške

Program podrške za ukupno 40 kandidata bit će realiziran etapno, na način da će se odabrati dvije grupe po 20 kandidata u periodu od 12. mjeseca 2024. godine do 5. mjeseca 2025. godine. Obuke za odabrane kandidate će biti realizirane u skladu prijavama, u jednoj od navednih lokacija.



Kandidati, čije prijave budu prihvaćene od strane partnerstva, odnosno Komisije za procjenu poslovnih ideja, dobit će priliku za učešće u programu „Pokreni svoj posao“, u okviru kojeg će steći znanja neophodna za razradu poslovne ideje i kompletiranje poslovnog plana. Obuka „Kako doći po poslovne ideje“ i „Kako pokrenuti posao“ će trajati šest dana (tri puta po dva dana obuke) a troškovi sudjelovanja biće osigurani od strane organizatora.

Komisije za procjenu poslovnih ideja će odabrati ukupno, maksimalno do 10 poslovnih planova **iz obje grupe učesnika obuke**, čiji nositelji će dobiti financijsku i savjetodavnu podršku za osnivanje i razvoj biznisa. Nakon registracije, korisnici programa će imati dodatnu obuku „Unaprijedi svoj posao“ i „Digitaliziraj svoj posao“ u ukupnom trajanju od 5 dana te mentorsku podršku.

Financijska podrška za pojedinačni poslovni poduhvat može iznositi između 3000 USD i 5000 USD , u zavisnosti od složenosti poslovne ideje. Sredstva se mogu iskoristiti za sufinansiranje nabavke opreme, osnovnih sredstava za rad i potrošnog materijala. Sredstva su nepovratna uz uvjet da se u cjelosti koriste za razvoj registriranog biznisa. Prijedlozi za pokretanje sljedećih vrsta biznisa će biti automatski eliminirani: oružja i/ili municije; alkoholnih pića (osim piva i vina); duhana ili duhanskih proizvoda; i opreme i/ili organiziranja djelatnosti kockanja, kockarnica, kladionica i sličnih organiziranja igara na sreću.

Svi kandidati će tokom obuke biti detaljno informirani o kriterijima za ocjenu kvaliteta poslovnog plana. Zainteresirani kandidati trebaju popuniti prijavni obrazac koji je dostupan na web stranici općine Neum www.neum.ba , REDAH-a www.redah.ba , te na stranici Službe za zapošljavanje <https://www.szzhnz-k.ba/index.php> .

Rok i način za podnošenje prijava

Osobe zainteresirane za razvoj poslovne ideje i pokretanje vlastitog biznisa, mogu se prijaviti putem namjenski dizajniranog Obrasca za sudjelovanje u programu, najkasnije do **28.04.2025. godine do 15 sati**. Prijavni obrazac se podnosi putem email-a, u PDF formatu ili skeniran na adresu odsjekezprojekte@gmail.com ili putem pošte na adresu: Općina Neum, Kralja Tomislava 1, 88390 Neum. U oba slučaja staviti naznaku „Prijava na Javni poziv za učešće u programu podrške razvoju biznisa“.

Uz prijavni obrazac potrebno je priložiti sljedeću dokumentaciju:

- Kopija osobne iskaznice
- Uvjerenje o invaliditetu (ako je primjenljivo)
- Izvod iz evidencije nezaposlenih
- Uvjerenje/diploma o završenom stupnju obrazovanju
- Certifikat o neformalnom obrazovanju (ako je primjenljivo)
- Radna knjižica (ako postoji)
- Biografija
- Pisma preporuke/lista refenci (ako postoji)
- Motivacijsko prijavno pismo



Projekat financira
Europska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



Međunarodna
organizacija
rada

Nepotpune i neblagovremene prijave neće biti uzete u razmatranje.

Za dodatne informacije možete kontaktirati Općinu Neum, Odsjek za projekte, kontakt telefon: 036/880-214, e-mail: odsjekezprojekte@gmail.com

